

| | | | |
|---------------|----------------|---------------|--------------|
| PRIMLJENO | 22.04.2024. | | |
| Org. jedinica | Klasif. oznaka | Kreditni broj | Broj priloga |
| | | 3310 | |

ul. SULEJMANA OMEROVIĆA 2, 74250 MAGLAJ, tel/fax: (032) 603-326, e-mail:
dkedhemm@bih.net.ba

ID PDV broj: 4218149890009
Poreski broj: 05140178

OPĆINA MAGLAJ
Služba za boračko-invalidsku i socijalnu
zaštitu, opću upravu i društvene
djelatnosti

Sparkasse Bank dd
Agencija Maglaj
Žiro račun:
1990460003561840

Naš znak i broj: I/1-30-1/24

Maglaj: 22.04.2024. godine

PREDMET : Izvještaj za 2023. i Program rada za 2024.- dostavlja se.-

Poštovani,

Shodno Vašem e-mail-u od 07.03.2024.godine u prilogu akta Vam dostavljam Izvještaj o radu za 2023. godinu i Program rada za 2024. godinu.

S poštovanjem,



v.d. direktorica

mr. Rašida Mulčić

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA MAGLAJ
JU DOM KULTURE „EDHEM MULABDIĆ“ MAGLAJ**

PROGRAM RADA USTANOVE ZA 2024. GODINU

Maglaj, mart 2024. godine

**PROGRAM RADA JAVNE USTANOVE DOM KULTURE
„EDHEM MULABDIĆ“ MAGLAJ ZA 2024. GODINU**

| | |
|--|--|
| <p>NAZIV JAVNE USTANOVE</p> | <p>Javna ustanova Dom kulture "Edhem Mulabdić" Maglaj</p> |
| <p>PLANIRANE AKTIVNOSTI U OKVIRU REDOVNE DJELATNOSTI JAVNE USTANOVE</p> | <p>U prethodnim godinama mnogo je urađeno na rastu i razvoju Ustanove, razvijanju kulturnih, sportskih i naučnih sadržaja, potrebno je i dalje kontinuirano planirati te ujedno osigurati daljnji nastavak uspješno započetog procesa. Zahvaljujući podršci Osnivača, strateškom planiranju menadžmenta, stalnom i nesebičnom zalaganju radnika JU Dom kulture „Edhem Mulabdić“ Maglaj, ambijent za kulturu, sport i nauku na nivou lokalne zajednice znatno se poboljšava.</p> <p>Vidni rezultati rada Ustanove podigli su kvalitet i kvantitet programskih sadržaja i aktivnosti, što je u konačnici rezultiralo porastom broja potrošača kulture i sporta, korisnika široke lepeze usluga Ustanove.</p> <p>Budući da je kultura izuzetno značajan segment cjelokupnog društvenog i individualnog života, da je bitna odrednica identiteta svakog pojedinca i naroda, biće potrebno nastaviti unapređivati postojeće kapacitete i stvoriti još bolje uvjete za nesmetan rad Ustanove, kako bi putem programskih aktivnosti ostvarili postavljene ciljeve, te još više podigli kulturni nivo građana.</p> <p>Prije svega, naš osnovni zadatak u 2024. godini jeste da održimo kontinuitet redovnih manifestacija i aktivnosti, pokušamo zadržati pa čak i podići kvalitativni i kvantitativni nivo istih iz 2023. godine.</p> <p>U aktivnostima planiranim za realizaciju tokom 2024.godine je niz sadržaja a cilj nam je zastupanje svih oblika scenskog stvaralaštva (pozorišne predstave, koncerti, festivali, itd.)</p> <p>Filmska djelatnost : U dijelu koji se odnosi na filmsku djelatnost, nastavljamo sa prikazivanjem filmova u našoj kinosali „Sarah Bernhard“.</p> <p>Galerijska djelatnost : Tokom 2024.godine u planu je organizovanje tri likovne izložbe umjetnika iz Maglaja i drugih gradova BiH.</p> <p>Promocije : Dom kulture će i u 2024.godini nastaviti sa promocijama književnih, muzičkih i pozorišnih ostvarenja profesionalaca i amatera, kako iz Maglaja tako i izvan njega.</p> <p>Pozorišne predstave : U 2024.godini planiramo četiri pozorišne predstave. Na pozorišnim daskama u Maglaju predstaviti će se profesionalci i amateri iz BiH.</p> <p>Amaterska djelatnost: Posebnu pažnju u dosadašnjem radu, Dom kulture je posvetio približavanju ove Ustanove mladim ljudima. Naši prostori korišteni su za pripremu pozorišnih komada osnovaca i srednjoškolaca. Ovdje naglašavamo da je u tom dijelu ostvarena dobra saradnja sa uposlenicima osnovnih i srednjih škola, što će biti praksa i u ovoj godini. Poticati mlade da sami stvaraju i pokazuju šta i koliko mogu, najbolji je način da ih sklonimo sa ulice i njihovo slobodno vrijeme upotpunimo na koristan način. Naša podrška u tome neće izostati ni u ovoj godini.</p> <p>Obrazovanje odraslih: Dom kulture nastavlja i sa programima u oblasti obrazovanja odraslih. Program se ogleda kroz organizovanje kurseva za koje bude zainteresovanih kadidatā. Isti će se organizovati na tržišnom principu.</p> <p>Sportska dvorana : Sportska dvorana, koja je također u sastavu Doma kulture će i u 2024.godini biti u funkciji provođenja plana i programa tjelesnog odgoja za učenike,</p> |

| | |
|---|---|
| | <p>trenažnog procesa sportskih klubova, prvenstvenih i kup utakmica, organizaciju turnira, rekreaciju građana, te organizacije koncerata i drugih nesportskih sadržaja.</p> <p>Uzeirbegov konak : Uzeirbegov konak je Odlukom Vijeća dat na upotrebu Domu kulture na period od 10 godina. Obzirom da je Konak doveden u kontekst turističke ponude i ove godine ćemo omogućiti posjete i obilaskе, kao i organizovanje sadržaja koji su primjereni autentičnosti ovog prostora. Zbog dotrajalosti objekta kao i očuvanja od daljeg propadanja neophodna su stalna ulaganja koja Dom kulture nastoji osigurati kandidiranjem projekata i vlastitim sredstvima shodno našim mogućnostima.</p> |
| <p>PLANIRANI PROJEKTI</p> | <ul style="list-style-type: none"> - PROLJETNI DANI KULTURE – MAGLAJ 2024. - „UREĐENJE ENTERIJERA UZEIRBEGOVOG KONAKA“ - Gastrokulturni susreti „MAGLAJ FEST 2024“ - ZAPIS O MAGLAJU – MAGLAJ 2024. - „LJETO S POZORIŠTEM“ - Sufinansiranje projekta sportskih klubova - Stavljanje u funkciju toplotne pumpe za potrebe zagrijavanja zgrade Doma kulture za grejnu sezonu 2024/2025. - Nabavka projektora za 3D kinoprojeksije |
| <p>PRIJEDLOZI I MJERE ZA POBOLJŠANJE UVJETA RADA JAVNE USTANOVE</p> | <p>Zakonska regulativa koja tretira ovu oblast na nivou države nije regulisala statute ovakvih ustanova i stoga su mnoge danas pred stečajem ili su rad svele u minimalne okvire. U većini ovakvih ustanova nagomilani su problemi nedostatka tehničke opreme koja je dotrajala ili uništena, kadra, zaostalih a neizmirenih obaveza, a samim tim i nemogućnosti realnijeg značajnijeg planiranja i ulaganja u projekte koji bi u sadašnje vrijeme davali značajnije rezultate, jer su sredstva uplaćivana za zaostale obaveze, koje su ponekad završavale i sudskim sporovima.</p> <p>Naša Ustanova je uz veliko razumijevanje osnivača Općine Maglaj i uz naše domaćinsko poslovanje i trošenje raspoloživog iznosa sredstava uspjela prevazići najveći dio neizmirenih obaveza. Ono što bi se u narednom periodu trebalo riješiti jeste da se ova Ustanova postavi na nivo svih drugih ustanova na općini Maglaj u smislu finansiranja odnosno stavljanja cjelokupnog poslovanja na Budžet Općine.</p> <p>U cilju stvaranja ušteta u poslovanju potrebno je izvesti određena infrastrukturna ulaganja:</p> <ul style="list-style-type: none"> - Ugradnja toplotnih pumpi u svrhu zagrijavanja i hlađenja Sportske dvorane - Aktiviranje toplotne pumpe u svrhu zagrijavanja i rashlađivanja zgrade Doma kulture - U Domu kulture osigurati uvjete prelaska na kombinovano zagrijavanje na pelet uz upotrebu postojeće toplotne pumpe uključujući i povećanje snage u snabdijevanju električnom energijom <p>U cilju zaštite postojeće infrastrukture i opreme potrebno je:</p> <ul style="list-style-type: none"> - Izvršiti detaljan pregled elektroinstalacija, definisati tačan broj potrošača sa lokacijom i potrebnom snagom i sačiniti predračun za sanaciju sa specifikacijom materijala i radnom snagom <p>U cilju omogućavanja kontinuiranog rada ali i ušteta u troškovima zagrijavanja potrebno je:</p> <ul style="list-style-type: none"> - Izvršiti klimatizaciju prostorija Doma kulture - Putem javnih poziva iz oblasti kulture nastojati osigurati nabavku projektora za 3D kinoprojeksije čime bi kino dobilo još veće mogućnosti u prikazivačkoj djelatnosti <p>U cilju ispunjavanja zakonom propisanih mjera za poslovanje: Uz podršku Osnivača uputiti zahtjev KJD za nabavku kontejnera za šljaku za</p> |

| | |
|--|--|
| | <p>potrebe Sportske dvorane ukoliko se ne riješi pitanje zagrijavanja sa toplotnim pumpama</p> |
| <p>DRUGI PODACI ZNAČAJNI ZA JAVNU USTANOVU</p> | <p>Smatramo za potrebno da Osnivača upoznamo i sa infrastrukturnim problemima sa kojima se susrećemo a vezano za loše stanje vezano za zagrijavanje svih objekata Ustanove i lošim stanjem elektroinstalacija u svim objektima Ustanove.</p> <p>Sportska dvorana zagrijava se na ugalj, najnepoželjniji energent zbog enormnog zagađenja koje izaziva. U grejnoj sezoni u prosjeku se potroši 80 tona uglja što je u finansijskom smislu jedan od najvećih tereta u rashodima koje imamo (cca 18.000,00 KM). Iskustvo Arene u Zenici ukazuje da ugradnjom toplotnih pumpi možemo postići dvostruki efekat za Sportsku dvoranu, tj. 50% jeftinije zagrijavanje u zimskom periodu i osigurati hlađenje, koje sada ne postoji, u ljetnim mjesecima.</p> <p>U slučaju Doma kulture stvari su jednostavnije pa i sam način prevazilaženja problema. Zagrijavanje Doma kulture na pelet je značajno pojednostavilo sistem zagrijavanja. Objekat se zagrijava parcijalno u zavisnosti od potrebe uz maksimalne mjere štednje. Stalni porast cijene peleta iz godine u godinu dodatno opterećuje budžet Ustanove. Činjenica da objekat ima ugrađenu toplotnu pumpu izuzetno je važna za uvođenje dodatnih mjera štednje i postizanja energetske učinkovitosti u zagrijavanju i hlađenju kina i zagrijavanju ostatka prostorija objekta. Stavljanje ove toplotne pumpe u funkciju bit će jedan od prioritarnih ciljeva Ustanove do grejne sezone 2024/2025.</p> <p>Elektroinstalacije u objektu Doma kulture i Sportske dvorane su rađene kada i sama zgrada sa ponovnim stavljanjem u funkciju, sa nedovoljnim poboljšanjima, nakon poplave 2014. godine. Trenutno stanje i kapacitet elektroinstalacija ne odgovara sadašnjim i budućim potrebama Doma kulture jer se stanje potrošača znatno promijenilo u odnosu na vrijeme projektovanja zgrade. Drugačija namjena prostorija objekta, resursi koji su instalirani i koji će biti instalirani su potrošači električne energije koji zahtijevaju proširen, poboljšan i stabilan način napajanja električnom energijom.</p> <p>Sredstva za realizaciju programa predviđenih ovim planom, Dom kulture „Edhem Mulabdić“ će nastojati osigurati kroz projekte koje kandidira prema općinskim, kantonalnim i federalnim nivoima vlasti, te drugim institucijama. Od toga uveliko zavisi i realizacija planiranog, jer kulturne djelatnosti se ne mogu organizovati isključivo na tržišnom principu. S toga ne čudi što je kultura „djelatnost od posebnog interesa“.</p> <p>Usprkos svemu, ova Ustanova će nastaviti rad na afirmaciji Maglaja i njegovih vrijednosti kao i do sada.</p> |

FINANSIJSKI PLAN ZA 2024. godinu

Donošenje Finansijskog plana i podnošenje izvještaja o poslovanju JU Dom kulture „Edhem Mulabdić“ Maglaj kao obaveza Upravnog odbora prema Osnivaču utvrđena je članom 24. Pravila JU Dom kulture „Edhem Mulabdić“ Maglaj.

Zbog ostvarivanja vlastitih prihoda Ustanova i njeina podružnica Sportska dvorana Maglaj su registrovane u Kantonalnom sudu u Zenici. Matični broj pod kojim se Ustanova vodi u Jedinственном registru poslovnih subjekata Federalnog zavoda za statistiku je 4218149890009 a podružnica JU Dom kulture „Edhem Mulabdić“ Maglaj – Sportska dvorana Maglaj, pod izvedenim identifikacijskim brojem od glavnog ID-a 4218149890017.

Ustanova sačinjava izvještaje o poslovanju za periode za koje je zakonom propisana obaveza utvrđivanja obračuna rezultata poslovanja te osim podnošenja izvještaja ka Osnivaču, Ustanova podliježe obavezi sačinjavanja i podnošenja računovodstvenih izvještaja u koje spadaju: Bilans stanja, Bilans uspjeha, Posebni mjesečni, kvartalni i godišnji izvještaji o zaposlenim i plaćama prema Federalnom zavodu za statistiku i prema Poreznoj upravi i dr. Ustanova svoje poslovne knjige vodi po Kontnom okviru za budžetske korisnike.

Finansiranje Ustanove

U skladu sa članom 11. Pravila JU Dom kulture „Edhem Mulabdić“ Maglaj finansiranje Ustanove vrši se:

- iz sredstava Osnivača,
- od naknada za obavljanje intelektualnih, obrazovnih, kulturnih i drugih usluga,
- prodajom hrane, pića i sportske opreme,
- izdavanja poslovnog prostora pod zakup,
- od ličnog učešća korisnika usluga,
- od ulaznica za sportske, kulturne i druge manifestacije,
- iz drugih izvora u skladu sa zakonom, Odlukom o osnivanju i Pravilima Doma kulture.

Iz ukupnog prihoda Ustanove osiguravaju se plaće, ostala lična primanja i zajednička potrošnja u skladu sa zakonskim i podzakonskim propisima. Utvrđivanje prihoda, rashoda i poslovnog rezultata vrši se u skladu sa zakonom a višak prihoda nad rashodima Ustanova koristi isključivo za obavljanje i razvoj djelatnosti.

PLAN PRIHODA I RASHODA

1. Plan prihoda

Za realizaciju aktivnosti iz Programa rada predlaže se Finansijski plan za 2024. godinu u iznosu od 396.760,00 KM. U cilju što transparentnijeg poslovanja sačinili smo strukturu planiranih prihoda i rashoda, kako slijedi:

| R.br. | Plan prihoda prema izvorima finansiranja | Iznos KM | % učešća u ukupnim prihodima |
|-------|--|-------------------|------------------------------|
| 1. | Prihod iz Budžeta Općina Maglaj | 200.000,00 | 50,41% |
| 2. | Vlastiti prihodi | 184.960,00 | 46,62% |
| 3. | Prihodi iz Fondova viših nivoa | 11.800,00 | 2,97% |
| | Prihodi (1+2+3) | 396.760,00 | |

2. Plan rashoda

| R.br. | Plan rashoda | Iznos KM | % učešća u ukupnim rashodima |
|-------|--|------------|------------------------------|
| 1. | Plaće i naknade troškova zaposlenih | 237.582,00 | 59,88% |
| 2. | Naknade za topli obrok | 30.214,00 | 7,62% |
| 3. | Nagrade/prevoz:regres/ | 10.500,00 | 2,65% |
| 4. | Putni nalozi | 1.000,00 | 0,25% |
| 5. | Troškovi utroška električne energije | 20.080,00 | 5,06% |
| 6. | Izdaci za grijanje Doma kulture (pelet) | 14.000,00 | 3,53% |
| 7. | Izdaci za grijanje Sportske dvorane (ugalj) | 24.000,00 | 6,05% |
| 8. | Izdaci za komunalne usluge (voda, kanalizacija, odvoz smeća) | 4.980,00 | 1,26% |
| 9. | Troškovi telekomunikacijskih usluga (telefon i internet) | 2.620,00 | 0,66% |
| 10. | Izdaci za kancelarijski materijal | 2.500,00 | 0,63% |
| 11. | Izdaci za sredstva za održavanje higijene | 2.500,00 | 0,63% |
| 12. | Izdaci za materijal za popravak i održavanje objekata, građevinski materijal | 5.000,00 | 1,26% |
| 13. | Troškovi distributerima filmova | 11.350,00 | 2,86% |
| 14. | Troškovi platnog prometa i bankovni troškovi | 1.000,00 | 0,41% |

| | | | |
|-----|---|----------------------|-------|
| 15. | Usluge medija, štampanja i javnog informiranja | 7.000,00 | 1,76% |
| 16. | Troškovi usluga knjigovodstvenog servisa | 5.616,00 | 1,42% |
| 17. | Troškovi sufinansiranja projekata | 1.000,00 | 0,25% |
| 18. | Troškovi za nabavku roba za trgovinsku djelatnost kino i sportska dvorana | 6.000,00 | 1,51% |
| 19. | Planirani projekti iz vlastitih sredstava | 2.000,00 | 0,50% |
| 20. | Troškovi naknada članovima Upravnog odbora | 2.000,00 | 0,50% |
| 21. | Otpremnina za penziju | 3.888,00 | 0,98% |
| 22. | Naknada za smrtni slučaj | 1.300,00 | 0,33% |
| | Rashodi (1+2+3+4+...+22) | 396.760,00 KM | |

| | | |
|----|-----------------------------------|-------------------|
| 1. | Prihodi (1+2+3) | 396.760,00 |
| 2. | Rashodi (1+2+3+4+.....+22) | 396.760,00 |
| | Rezultat | 0,00 |

ZAKLJUČAK

Finansijski plan za 2024. godinu urađen je kao realna finansijska slika u realizaciji planiranih zadataka propisanih Programom rada JU Dom kulture „Edhem Mulabdić“ Maglaj za 2024. godinu. Osnovni cilj plana budžeta za 2024. godinu je održavanje prihoda i rashoda ustanove na nivou pozitivnog poslovanja uz maksimalno smanjenje rashoda.

Na tom putu od ključnog je značaja kontinuirana podrška Osnivača bez koje bi zasigurno došlo do smanjenja broja programskih aktivnosti i smanjenja kvalitete istih. Nasuprot tome, kontinuirana podrška u sufinansiranju redovne djelatnosti Ustanove rezultirat će povećanjem realizacije programskih sadržaja, što neizostavno vodi do povećanja broja korisnika usluga, i nadalje, zadovoljstvu građana općine Maglaj radi čijih kulturnih i društvenih potreba i postojimo.

v.d. direktorica

 mr. Rašida Muhić



U Maglaju, mart 2024. godine